

28. Hdyž potajkim to dokonjam a jim tónle plód* wěsće přepodam, póndu přez was do Hispanije.

29. Wěm pak, zo hdyž k wam přińdu, w polnosći žohnowanja ewangelia Khrystusoweho přińdu.*

30. Prošu was tohodla, bratra, přez našeho Knjeza Jězusa Khrystusa a přez lubosć Ducha swjateho,* zo byšće mje podpěrali w swojich modlitwach za mnje pola Boha,

31. Zo bych wumóženy byl wot nje-wěriwych, kotřiž su w Judeji, a zo by služba mojeje podwolnosće so spodobala swjatym w Jeruzalemje,*

32. Zo bych z wjesolósću k wam přišol po woli Božej, a z wami so wokřewil.

33. Bóh pokoja pak budź z wami wšitkimi. Amen.

STAW XVI.

Japoštoł dawa někotrych mjez Romskimi postrowić jich wosebnosće dla, napomina, zo maju so někotrych zdalować, a praji wo drubich, zo Romskich postrowjeju.

Poručam pak wam Foebu,* našu sotru, kotraž je w službje cyrkwe w Kenchreach,

2. Zo byšće ju přijeli w Knjezu, kaž swjatym přistoji,* a jej pomhali, w kaj-kejžkuli naležnosći by was potrebowala; přetož tež wona bu mnohim pomocnica, tež mi samomu.*

3. Postrowće Prisku a Aquilu,* mojeju pomocnikow w Khrystusu Jězusu, Jap. sk. 18, 2. 26.

4. Kotrajž staj za moje žiwjenje swoju šiju nastajiloj, kotrymajž nic jeno ja sam so dżakuju, ale tež wšitke cyrkwe mjez pohanami,

5. A jeju domjacu zhromadźiznu.* Postrowće mojeho lubowaneho Epaeneta, kotryž je přeník Asije w Khrystusu.**

6. Postrowće Mariju, kotraž je wjele prócy měla mjez wami.

7. Postrowće Andronika a Juniasa, mojeju přiwuzneju a sobujateju, kotrajž staj wuznamjenjenaj mjez japoštołami, kotrajž staj přede mnu byloj w Khrystusu.*

8. Postrowće Ampliata, mi wjelelubeho w Knjezu.

9. Postrowće Urbana, mojeho pomocnika w Khrystusu Jězusu, a Stachya, mojeho lubowaneho.

10. Postrowće Apellea, wobtwjerdźeneho w Khrystusu.

11. Postrowće tych, kotřiž su z Aristobuloweho domu. Postrowće Herodiona, mojeho přiwuzneho. Postrowće tych, kotřiž su z Narcissoweho domu, kotřiž su w Knjezu.

12. Postrowće Tryfaenu a Tryfosu, kotrejž so prócujetej w Knjezu. Postrowće Persidu, wjelelubu, kotraž je so wjele prócowała w Knjezu.

pohani wot Židow duchowne kubla dóstachu, t. r. wěru do Jězusa Khrystusa, móža Židam dżakowni so wopokazać z tym, zo jim w čělnych potřebnosćach z jałmožnu na pomoc přińdu. — 28. t. r. jałmožnu, plód křesćanskeje miłosće. — 29. t. r. zo mój přikhađ wam žohnowanje přinjese, dokelž wěm, zo Khrystus moje skutkowanje za ewangelium žohnuje. — 30. t. r. přez lubosć, kotruž Duch swjaty we wašich wutrobach zbudźuje. — 31. Pawoł znaješe njepečelnosć swojich krajanow w Jeruzalemje a boji so jich zlóšće, a prosy tohodla křesćanow w Romje, zo bychu Boha za jeho wumóženje prosyli. Jeho bojosć njebě bjez přičiny, dokelž bu w Jeruzalemje jaty, pozdžišo do Caesareje wotwjedženy, hdžež dvě léce jako jaty přebywaše, zo by potom do Roma wotwjedženy był, hdžež bu tohorunja dvě léce jaty, a potom hakle poda so do Hispanije.

XVI. 1. Foebe bě služownica cyrkwe w Kenchreach pola Korintha a přinjese list do Roma. — 2. t. r. tajkim, kotřiž su cyle Božej službje so poswjećili. — 3. Aquila a jeho žona Priska běštaj zaso z Efesa do Roma so podało; hl. Jap. sk. 18, 2; 18; 26. — 4. t. r. za mnje smjertnemu strachej so wustajiloj, najskerje při zběžku, kotryž nasta přećiwo Pawołej w Korinthu (Jap. sk. 18, 12) abo w Efesu (Jap. sk. 19; 23). — 5. Aquila a Priska měještaj w domje Bože služby za křesćanow. ** t. r. kotryž w romskej provincy Asia najpřeni ke Khrystusej so wobroći. — 7. Andronikus a Junias staj najskerje k 72 wučownikam słušaloj abo tola zahe, snadž přenje swjatki so wobroćiloj a w rozšěrjenju křesćanstwa pilnje dźělałoj, haj tež Pawołowe jastwo dźělałoj, kaž móžemy z tychle słowow sudzić.